

BECERREA

Edicto

Polo Pleno da Corporación do Concello de Becerreá, en sesión ordinaria celebrada o pasado día 29/10/2009, adoptouse, entre outros, o seguinte acordo que se publica na súa parte dispositiva de acordo co establecido no artigo 13.3 da Lei 30/92:

"O Pleno da Corporación, por unanimidade, e en votación ordinaria, ACORDA:

Primeiro.- Delegar na Deputación Provincial de Lugo a contratación da subministración eléctrica aos edificios e servizos municipais que se relacionan no anexo número I deste acordo, aos efectos da súa contratación centralizada ou conxunta con outros municipios da provincia.

A delegación alcanza a todos actos administrativos de tramitación do expediente de contratación, dende a fase de preparación ata a adxudicación definitiva, manténdose a titularidade municipal das respectivas subministracións, de tal forma que os respectivos contratos de subministración formalizaranse entre a empresa adxudicataria e o Concello.

Segundo.- O Concello obrígase a formalizar o contrato coa empresa comercializadora que resulte adxudicataria da contratación centralizada efectuada pola Deputación Provincial, nos términos fixados na licitación e nos correspondentes pregos de cláusulas económico administrativas particulares e de prescripcións técnicas, e ao cumprimento estricto de todas e cada unha das obrigas que do mesmo se deriven.

Terceiro.- A Deputación Provincial poderá exercer a competencia delegada, nos términos do parágrafo primeiro deste acordo, mediante a tramitación do expediente de contratación da subministración de electricidade de forma centralizada ou conxunta ou, no seu caso, mediante os acordos marco aos que, por este acordo, se considera adherido este municipio, sen prexuízo de calquera outra forma de selección do contratista que estime oportuno.

Polo demais, o réxime xurídico do exercicio da delegación aterase a canto se establece na Lei 30/2007, do 30 de outubro, de Contratos do Sector Público; Lei 30/1992, do 26 de novembro, do Réxime Xurídico das Administracións Públicas e do Procedemento Administrativo Común, Lei 7/1985, do 2 de abril, Reguladora das Bases do Réxime Local; Lei 5/1997, do 5 de agosto, de Administración Local de Galicia e na Lei 54/1997 de 27 de novembro do Sector Eléctrico.

Cuarto.- O de duración do contrato será de dous anos prorrogables por periodos anuais sen que a súa duración más as prórrogas, supere os catro anos.

Quinto.- O presente acordo deberá publicarse no Boletín Oficial de Provincia, en cumprimento de canto se establece polo artigo 13 da Lei 30/1992.

Sexto.- Facúltase amplia e expresamente ao señor Alcalde-Presidente para que, en nome e representación do Concello, asine o correspondente convenio no que se formalice a delegación de competencias acordada.

En Becerreá, 20 de novembro de 2009.- O Alcalde, illexible.

R. 06394

BARREIROS

Anuncio

Por acordo plenario de data de 28 de setembro de 2009, aprobouse inicialmente a modificación da ordenanza reguladora da taxa por licenza de primeira ocupación e, ó non terse presentado reclamacións durante o período de información pública, a aprobación provisional adquire o carácter de DEFINITIVA, polo que, de conformidade co artigo 70.2 da Lei 7/85, de 2 de abril, Reguladora das Bases de Réxime Local, procedese á publicación do texto íntegro para a súa entrada en vigor:

ORDENANZA FISCAL REGULADORA DA TAXA POR LICENZA DE PRIMEIRA OCUPACION DE EDIFICIOS E INSTALACIÓNS EN XERAL.

Artigo 1º. Natureza e fundamento.

En uso das facultades concedidas polos artigos 133.2 e 142 da Constitución e polo artigo 106 da Lei 7/1985, de 2 de abril, reguladora das Bases de Réxime Local, e de conformidade co disposto nos artigos 15 a 19 do Real Decreto Lexislativo 2/2004, de 5 de marzo, polo que se aproba o Texto Refundido da Lei Reguladora das Facendas Locais, este Concello modifica a taxa por licenza de primeira ocupación de edificios e instalacións en xeral que se rexirá pola presente ordenanza fiscal, cuxas normas atenden ó previsto no artigo 57 da citada Lei.

Artigo 2º. Feito Imponible.

Constitúe o feito imponible deste tributo a prestación dos servizos técnicos e administrativos previos ó outorgamento da necesaria licenza de primeira ocupación.

A licenza de primeira ocupación ten por finalidade a comprobación de que a edificación foi realizada con suxección estricta ós proxectos de obras que obtiveron a correspondente licenza municipal para a edificación e que as obras foron rematadas totalmente, sendo a súa obtención un requisito previo indispensable para poder destinar os edificios ó uso proxectado, debendo, en consecuencia, ser obtidas para a súa utilización.

Artigo 3º. Suxeto pasivo e responsables.

1.- Son suxeitos pasivos contribuíntes as persoas físicas e xurídicas e as entidades a que se refire o art. 35.4 da Lei Xeral Tributaria, que soporten os gastos ou o custo que comporte a realización das obras para as que se solicita a licenza de primeira ocupación.

2.- No suposto de que a construcción, instalación ou obra non sexa realizada polo suxeito pasivo contribuínte, terán a condición de suxeitos pasivos substitutos do mesmo os que soliciten as correspondentes licenzas ou realicen as construccions, instalacións ou obras.

O substituto poderá esixir do contribuínte o importe da cota tributaria satisfeita.

No non previsto específicamente nesta ordenanza estarase ó dispuesto con carácter xeral no capítulo II da Lei Xeral Tributaria sobre sucesores e responsables tributarios.

Artigo 4º. Devengo.

1.- A taxa devéngase e nace a obriga de contribuir no momento de formularse a solicitude da preceptiva licenza. A obriga de contribuir, unha vez nacida, non será afectada por feito algúin, como a denegación da licenza ou pola concesión da mesma condicionada a modificación, nin pola renuncia ou desistimento do solicitante unha vez concedida a licenza.

2.- A licenza solicitarase ó Concello polos propietarios das obras, unha vez rematadas éstas, e antes da súa posta en uso.

3.- A solicitude deberá presentarse en modelo normalizado, acompañada de:

a) Certificado final de obra emitido polos técnicos competentes.

b) Certificado final das obras de urbanización se fosen precisas.

d) Calquera outra documentación que sexa requerida polos técnicos municipais para a comprobación da situación exacta das obras realizadas.

4.- Os expedientes serán informados polos servizos técnicos e xurídicos municipais competentes, previa comprobación da obra efectivamente realizada.

5.- A competencia para resolver o expediente corresponde ó Alcalde ou órgano no que delegue.

6.- A licenza de primeira ocupación será requisito previo para os subministros de auga, enerxía eléctrica, gas e telefonía.

Artigo 5º. Cota tributaria.

A cota tributaria será de 1,20 euros por m² útil de local ou unidade de vivenda.

Artigo 6º. Ingreso.

En todos os casos realizaráse unha única liquidación na concesión da licenza. Na xestión, liquidación e recaudación desta taxa estarase ás disposicións xerais sobre xestión, liquidación e recadación de tributos locais.

Artigo 7º. Infraccións e sancións.

1. A posta en uso dun edificio carente de licenza de primeira ocupación cando fose preceptiva, constitúe infracción administrativa urbanística, que se sancionará de acordo co establecido na normativa urbanística aplicable en cada momento para as infraccións leves.

2. Serán causas de denegación da lienza de primeira ocupación toda desviación sobre o proxecto aprobado que supoña infracción urbanística, relacionando a efectos meramente enunciativos os aumentos de superficie construída, aumentos de altura, volume edificable, densidade residencial, cambios de uso manifiestamente oportos ós autorizados, ou sen a correspondente licenza, así como poñer obstáculos á labor inspectora.

Disposición final.

A presente ordenanza entrará en vigor o día seguinte da súa completa publicación no Boletín Oficial da Provincia de Lugo, permanecendo en vigor ata a súa modificación ou derogación expresa.

En Barreiros, a 19 de novembro de 2009.- O ALCALDE, José Alfonso Fuente Parga.

R. 06402

CHANTADA

Anuncio

La Junta de Gobierno Local en sesión celebrada el día 6/11/2009 ha aprobado la siguiente Oferta de Empleo Público para el año 2009:

FUNCIONARIOS DE CARREIRA

Grupo	CLASIFICACION	Nº DE VACANTES	DENOMINACION
C1	Admón. Especial, subescala: Servicios especiales: Clase: Oficial de Policía.	1 (P. interna)	Oficial de Policía

Chantada, 10 de noviembre de 2009.- El Alcalde, Manuel Anxo Taboada Rodríguez.

R. 06354